

Ulo galego?

Pois si, onde está o galego? A estas alturas do século XX están ignorando o noso idioma nos organismo oficiais; velai dous exemplos:

– A Xunta de Galiza, xunto coa S.A. de Xestión do Plano Xacobeo 93, publicou o libro “Gallegos en el mundo”, libro no que se poden ollar topónimos coma: Villalba, La Coruña, Orense, Noya, Valle de Oro, Ginzo de Limia, La Caniza, Tejeira, El Ferrol, Silva de Abajo, Lajas, Puenteceo, La Peroja, etc...

– Doutra banda andan circulando por aí uns calendários de peto que din así: “Ayuntamiento de La Coruña”, “Centro Municipal de Información Juvenil”, poñen o mes de Marzo con 30 días e, supoño que por estaren nun intre de alucinación ou non sei de que, van e poñen os nomes dos meses en galego, cousas do bilingüísmo harmónico.

Compre porlles freo a todas estas barbaridades e denúncialas publicamente, ao tempo de que debemos exixir que se dignifique o noso idioma. ♦

XOSÉ MANUEL MARIÑO VENTOSO
(PORTO DO SON)

**A Xunta
publicou**

**“Gallegos en el
mundo” no que
se poden ollar
topónimos coma
Noya, Valle de
Oro, Tejeira.**